

ÁLYKTUN RÁÐSINS

frá 29. júní 1995

um frekari þróun farsíma- og einkafjarskipta í Evrópusambandinu(*)

(95/C 188/02)

RÁÐ EVRÓPUSAMBANDSINS,

sem hefur hliðsjón af stofnsáttmála Evrópubandalagsins,

og tekur tillit til eftirfarandi:

Á grundvelli úttektar sem var gerð á fjarskiptasviðinu árið 1992 skoraði ráðið, í ályktun sinni 93/C 213/01 frá 22. júlí 1993⁽¹⁾, á framkvæmdastjórnina að birta grænbók um farsíma- og einkafjarskipti, sem framkvæmdastjórnin samþykkti 27. apríl 1994.

Framkvæmdastjórnin hafði samráð við marga aðila í þessu sambandi og hefur auk þess lagt fram orðsendingu til Evrópuþingsins og ráðsins um afrakstur samráðsins varðandi grænbókina um farsíma- og einkafjarskipti.

1. FAGNAR hinu víðtæka samráði sem framkvæmdastjórnin hefur staðið fyrir varðandi meginreglur og markmið grænbókarinnar um farsíma- og einkafjarskipti og VEITIR ÞVÍ ATHYGLI að á sumum sviðum ríkir full samstaða en öðrum ekki.
2. STYÐUR setningu rammaákvæða sem gætu stuðlað að framþróun á sviði farsíma- og einkafjarskipta innan ramma þeirra heildarumbóta sem unnið er að á fjarskiptasviðinu.
3. LÍTUR Á ÞAÐ SEM FORGANGSATRÍÐI í þróun farsíma- og einkafjarskipta að tryggja innan sambandsins:
 - a) víðtæka samkeppni hvað varðar framboð á farsíma- og einkafjarskiptum og að leyfi séu veitt á hlutlægum og gagnsæjum forsendum auk þess sem hlutfalls- og jafnræðisreglur skuli virtar;
 - b) að einungis sé unnt að takmarka fjölda leyfa til farsíma- og einkafjarskipta á forsendum sem varða grunnkröfur, má þar nefna hagkvæma nýtingu tíðnisviðsins;
 - c) sanngjörn samkeppnisskilyrði á farsíma- og einkafjarskiptamarkaðinum, einkum með því að virða bannið gegn víxlنيðurgreiðslum er vinna gegn samkeppni;

- d) að hægt verði, sem liður í almennum umbótum á fjarskiptasviðinu og með tilliti til þess að nauðsynlegt er að efla sanngjörn samkeppnisskilyrði, að bjóða hæfilegt sambland af farsíma- og fastri fjarskiptaþjónustu;
- e) afnám hindrana á stjórnsýslusviðinu gegn því að unnt sé að gera samninga á jafnræðisgrundvelli um markaðssetningu á farsíma- og einkafjarskiptaþjónustu, enda gildi um þessa starfsemi tilteknar starfsreglur svo hagsmunir neytenda verði tryggðir;
- f) að aðildarríkin heimili, eins fljótt og auðið er, fjarskiptafyrirtækjum að samtengja beint farsíma- og fastafjarskiptanet eða farsímanet hvert við annað;
- g) að aðildarríkin geri sitt ítrasta til að koma á kerfi við fyrstu hentugleika sem gerir rekstraraðilum á sviði farsíma- og einkafjarskipta frjálst að setja upp og nota grunnvirki til að stunda þá starfsemi sem þeir hafa leyfi til;
- h) jafnari skiptingu tíðnisviðsins á mismunandi notkun, innan ramma starfsemi Evrópunefndar um þráðlaus fjarskipti (ERC) og í samræmi við ályktun ráðsins 90/C 166/04 frá 28. júní 1990⁽²⁾;
- i) að á grundvelli reglna Evrópunefndarinnar (ERC) varðandi ákvarðanatöku verði viðeigandi tíðnisvið höfð til reiðu í tæka tíð, sem getur stutt við hina mikils metnu þróun á tækni og kerfum til farsímaog einkafjarskipta, sem fullnægja Evrópustöðlum, og stuðlað að tilkomu þeirra;
- j) að settar verði, fyrir 1. júní 1996, samhæfðar reglur um úthlutun leyfa fyrir farsíma- og einkafjarskipti um gervihnött, eftir að athugun hefur farið fram á vegum Evrópunefndar um starfsreglur á fjarskiptasviðinu (ECTRA).

(*) Þessi EB-gerð, sem birtist í Stjtið. EB nr. C 188, 22. 7. 1995, bls. 3, var nefnd í ákvörðun sameiginlegu EES-nefndarinnar nr. 5/96 frá 29. febrúar 1996 um breytingu á IX. viðauka (Fjármálaþjónusta) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

(1) Stjtið. EB nr. C 213, 6. 8. 1993, bls. 1.

(2) Stjtið. EB nr. C 166, 7. 7. 1990, bls. 4.

4. VEITIR ATHYGLI ÞÖRFinni Á FREKARI AÐGERÐUM á eftirfarandi sviðum:
- leggjja þarf fram skýrar tímaáætlanir varðandi stöðlun, númeraröðun og úthlutun á tíðni fyrir farsíma- og einkafjarskipti;
 - ákveða þarf nauðsynleg skilyrði til að unnt sé að koma á gagnkvæmri viðurkenningu á samræmi alls endabúnaðar fyrir þráðlaus fjarskipti;
 - skoða þarf nákvæmlega ýmis svið sem varða almannahæill, meðal annars:
 - hugsanleg áhrif útgeislunar frá fjarskipta-bylgjum á almannahæilbrigði og öryggi manna,
 - fjölgun atvinnutækifæra og hvaða kröfur um menntun þessi þróun gæti skapað,
 - málefni sem varða neytendavernd,
 - fagurfræðileg sjónarmið og umhverfisvandamál sem geta komið upp í tengslum við uppsetningu loftneta;
 - styðja ber áfram við þróunarstarf í tengslum við altæka farsímakerfið (UMTS), sem er talið gegna lykilhlutverki í þróun einkafjarskipta.
5. LEGGUR ÁHERSLU Á mikilvægi þess að sambærilegur og greiður aðgangur sé að mörkuðum þriðju landa og að alþjóðlegir staðlar séu almennt notaðir, þar sem því verður við komið, hvað varðar tækni, búnað og þjónustu á sviði farsíma- og einkafjarskipta.
6. VEITIR ÞVÍ ATHYGLI að framkvæmdastjórnin hefur í huga að styðja það framtak að komið verði á evrópskri þjónustumiðstöð á sviði farsíma- og einkafjarskipta.
7. VEITIR ATHYGLI tillögnum sem framkvæmdastjórnin setur fram í orðsendingu sinni.
8. HVETUR framkvæmdastjórnina til að leggja fyrir Evrópuþingið og ráðið tillögur að ráðstöfunum sem geta stuðlað að því að framangreind forgangsmál og helstu viðbótaraðgerðir nái fram að ganga.
9. FER ÞESS Á LEIT VIÐ FRAMKVÆMDASTJÓRNINA AÐ HÚN LEGGI SKÝRSLU FYRIR EVRÓPUÞINGIÐ OG RÁÐIÐ, eigi síðar en 1. janúar 1997, um þann árangur sem hefur náðst hvað varðar framkvæmd þeirra ráðstafana sem fjallað er um í þessari ályktun og áhrif þeirra.